



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

14. Octobris. Malus ipse facilè alios suspectos habet; ut, qui vertigine laborat, credit omnia commoveri; non horum, sed humanorum in suo capite inquietorum vitio. S. Ignat. ap. Maff.

[urn:nbn:de:hbz:466:1-50423](https://nbn-resolving.de/urn:nbn:de:hbz:466:1-50423)

Una rosa quot non alit spinas! hæc solatiorum mundi sit imago: caduca voluptas mille post se trahit amatores. Nulla sinceror voluptas, quam voluntatibus carere posse.

14. Octobris.

Malus ipse facile alios suspectos habet; ut, qui vertigine laborat, credit omnia commoveri; non horum, sed humorum in suo capite inquietorum vitio. S. Ignat. ap. Maff.

In umbris ambulat, quisquis suspicionibus agitatur; videre se credit, cum caligo teneat oculos. Pessimi dimensores, qui suo omnes pede metiuntur, & sibimet ipsius mentiuntur, opinione seducti.

Qui citò credit, citò decipitur. Quid mirum? quod toties errant, qui suspicionibus aguntur. Nihil est magis pronum, quam in umbris impingere, cespitare, cadere.

Justa Dei vindicta est, ut de quo quis alium vitio reum putat, ejus reatum contrahat; talionis hæc poena est: nulli pejus de aliis sentiunt, quam qui nihil in se ipsis boni comperιunt.

Se negligunt, de aliorum moribus curiosi; quam suis erroribus corrigendis impe-

pendere deberent mentis aciem, pernicio-
sâ planè diligentia in alienam messem im-
mittunt.

15. Octobris.

*Divulsum à corpore membrum neque mo-
tum, neque sensum, neque omnino vitam
à corpore suo accipit. S. Ignat. apud Or-
land. l. 15. n. 196.*

Tam diu frugifer est, & in honore pal-
mes, quam diu manet in vite, si steri-
lis rescindatur, ad nihil valet, præterquam
ad ignem fovendum. Nulla ei sine vite
vita, nullus vigor, fructus nullus.

Non palmiti, sed viti adscribenda ferti-
litas, botros ille fert, sed ista gignit, & alit.
Qui se à communitate separat, separat se à
Dei benedictione, quæ non privato, sed
cœribus integris est destinata.

Ut membrum in corpore luxatum, ac
distortum, sibi, & aliis dolorem creat; ita
exlex in communitate aliis exemplo, sibi
vitâ, nocet. Quid mirum? quod de rescin-
dendo chyrurgi consultent.

Mittere sanguinem, non est prodigere;
bene perditur noxius, ne reliquus vitium
trahat, ex quo totius corporis valetudo pe-
ri-